



Broj: 01-2-3463/17  
Sarajevo, 06.09.2017

MEDIJIMA

**PREDMET:** Saopćenje za javnost

**Informacija o bankarskom sistemu Federacije BiH 30.06.2017**

U prvoj polovini 2017. godine poslovanje bankarskog sektora karakteriše rast bilansne sume, depozita i kredita, nastavak pozitivnih trendova koji se ogledaju u rastu štednje stanovništva, kapitala, dobiti i pada učešća nekvalitetnih kredita u ukupnim kreditima. Na nivou sistema zabilježen je pozitivan finansijski rezultat, te se na osnovu svega može zaključiti da je bankarski sektor i dalje ostao stabilan, adekvatno kapitaliziran, a likvidnost je i dalje zadovoljavajuća.

Bilansna suma bankarskog sektora na kraju prve polovine 2017. godine iznosila je 19 milijardi KM i veća je za 3,3 % ili 611 miliona KM u odnosu na kraj 2016. godine.

Kreditni, kao najveća stavka aktive banaka, u prvoj polovini 2017. godine zabilježili su rast od 4,3% ili 528 miliona KM i sa 30.06.2017. godine iznose 12,8 milijardi KM. Nastavljeni su pozitivni trendovi iz 2016. godine, koji se ogledaju u segmentu sektorskog kreditiranja, odnosno većeg rasta kredita odobrenih privatnim preduzećima nego stanovništvu. Krediti dati privatnim preduzećima ostvarili su stopu rasta od 5,3% ili 304 miliona KM, tako da su sa 30.06.2017. godine krediti dati ovom sektoru dostigli iznos od 6,1 milijardu KM i učešće od 47,3%. Krediti dati stanovništvu u istom periodu zabilježili su stopu rasta od 3,5% ili 209 miliona KM, dok je njihovo učešće blago smanjeno sa 48,7% na 48,3% i sa 30.06.2017. godine iznosili su 6,2 milijarde KM.

Pokazatelji kvaliteta kredita su i u prvoj polovini 2017. godine, kao i u prethodne dvije godine, poboljšani, što se posebno odrazilo na sektor pravnih lica. Nešto veći rast kreditnog portfolija, znatno niži priliv novih nekvalitetnih kredita, kao i trajni otpisi, imali su pozitivan efekat na koeficijent učešća nekvalitetnih kredita u ukupnim kreditima, koji je sa 11,7%, koliko je iznosio na kraju 2016. godine, smanjen na 11% sa 30.06.2017. godine.

Dugogodišnji trend rasta štednih depozita, kao najznačajnijeg segmenta depozitnog i finansijskog potencijala banaka, nastavljen je i u 2017. godini, sa stopom od 1,7% ili 137 miliona KM i sa 30.06.2017. godine iznosili su osam milijardi KM.



Prema podacima iz bilansa uspjeha, na nivou bankarskog sisetem u Federaciji BiH u prvoj polovini 2017. godine ostvaren je pozitivan finansijski rezultat-dobit u iznosu od 152 miliona KM.

URED ZA INFORMISANJE FBA